



REPUBLIKA E SHQIPËRISË

KUVENDI

Komisioni për Punën, Çështjet Sociale dhe Shëndetësinë

PROCESVERBAL

Tiranë, më 4.12.2019, ora 11:00

Drejton mbledhjen:

Zoti Enver Roshi

Kryetar i Komisionit

Rendi i ditës:

Shqyrtimi nen për nen i projektligjit "Për buxhetin e vitit 2020".

Votimi nen për nen dhe në tërësi i projektligjit "Për buxhetin e vitit 2020".

Marrin pjesë: Enver Roshi, Klodiana Spahiu, Arben Kamami, Ilir Pendavinji, Edlira Bode, Adelina Rista, Almira Xhembulla, Klotilda Bushka, Ardiana Jaku, Amra Barova, Majlinda Halilaj, Eugen Bojaxhiu, Koçi Tahiri, Edmond Stojku, Ervis Meço, Halil Jakimi, Florenc Spaho dhe Roland Xhelilaj.

Të ftuar:

Geraldina Prodani – Sekretare e Përgjithshme në Ministrinë e Shëndetësisë_dhe Mbrojtjes Sociale

Saimir Kadiu - Drejtor i Buxhetit dhe Menaxhimit Financiar në Ministrinë e Shëndetësisë dhe Mbrojtjes Sociale

HAPET MBLEDHJA

Enver Roshi – Përshëndetje të gjithëve!

Fillojmë mbledhjen. Sot jemi mbledhur për të shqyrtuar nen për nen dhe në tërësi projektligjin “Për buxhetin e vitit 2020”.

Të ftuar në këtë mbledhje kemi prezentë: zonjën Geraldina Prodani, sekretare e Përgjithshme e Ministrisë së Shëndetësisë dhe Mbrojtjes Sociale, zotin Saimir Kadiu, drejtor i Buxhetit dhe Menaxhimit Financiar,

Të gjithë jeni të njohur dhe keni përpara opinionet dhe të gjitha grupeve të interesit për projektbuxhetin e vitit 2020, e më konkretisht nga Konfederata e Sindikatave të Shqipërisë, nga Shoqata e Invalidëve të Punës, nga Shoqata e të Verbërve, nga *Save the Children*, nga Universiteti i Mjekësisë, Tiranë, nga Rrjeti i Fuqizimit të Grave në Shqipëri, nga Fondacioni *Syndrom Doën Albania* dhe nga shoqata “Ndihmoni jetën”, etj.

Unë nuk do t’i rilexoj propozimet dhe komentet e tyre, dhe besoj që dhe përfaqësuesit e Ministrisë i kanë shqyrtuar sugjerimet e grupeve të interesit.

Komisioni për Punën, Çështjet Sociale dhe Shëndetësinë, organizoi në datat 20 dhe 21 Nëntor 2019 seancat dëgjimore me shoqërinë civile dhe me datë 5 Dhjetor 2019 shqyrtoi nen për nen projektligjin “Për buxhetin e vitit 2020”.

Të ftuar për të marrë pjesë në mbledhjen e shqyrtimit nen për nen të këtij projektligji dhe për t’iu përgjigjur kërkesave për shtesa apo ndryshime në buxhet të paraqitura nga përfaqësuesit e shoqërisë civile ishin përfaqësues nga Ministria e Shëndetësisë dhe Mbrojtjes Sociale dhe Ministria e Ekonomisë dhe Financave

Projektligji “Për Buxhetin e vitit 2020” është propozim i Këshillit të Ministrave bazuar në nenin 81, pika 1 të Kushtetutës së Shqipërisë. Ky projektligj i paraqitet Kuvendit për miratim në zbatim të neneve 78, 83, pika 1 dhe 158 të Kushtetutës së Republikës së Shqipërisë. Komisioni për Punën, Çështjet Sociale dhe Shëndetësinë në cilësinë e komisionit për dhënie mendimi, bazuar në nenet 32-39 dhe 80 të Rregullores, shqyrtoi projektligjin “Për Buxhetin e vitit 2020”, për pjesën që shprehet për shpenzimet dhe të ardhurat për këto ministri.

Gjatë shqyrtimit të projektligjit, ministritë përkatëse nuk shprehën kërkesa për shtesa, përveç Ministrisë së Shëndetësisë dhe Mbrojtjes Sociale, e cila kërkoi një ndryshim në tabelën 5 për P/Buxhetin 2020 të kësaj ministrie në funksion të rritjes së cilësisë të shërbimit të urgjencës mjekësore, unifikimin dhe standartizimin e këtij shërbimi, si dhe kualifikimin e personelit që është pjesë e këtij shërbimi, nëpërmjet planifikimit, drejtimit, pjesëmarrjes dhe bashkërendimit të të gjitha aseteve ekzistuese në një sistem të unifikuar.

Konkretisht në varësi të Qendrës Kombëtare të Urgjencës Mjekësore do të kalojnë urgjencat paraspitalore të tre spitaleve universitare të Spitalit Universitar të Traumës, Spitalit Universitar “Shefqet Ndroqi” dhe Qendrës Spitalore “Nënë Tereza” , duke rritur numrin e punonjësve me 122 (nga 86 bëhet 208).

Strukturat e urgjencave mjekësore spitalore të tre spitaleve universitare kalojnë në administrim të Qendrës Kombëtare të Urgjencës Mjekësore, së bashku me asetet dhe burimet financiare të planifikuara për këtë shërbim në buxhetin e vitit 2020.

Ky ndryshim nuk ka efekte financiare shtesë për P/Buxhetin e vitit 2020 për Ministrinë e Shëndetësisë dhe Mbrojtjes Sociale, pasi bëhen rialokime shpenzimesh korrente brenda tavanit të miratuar.

Pasi dëgjuam dhe diskutuam mbi propozimet konkrete të bëra nga përfaqësuesit e organizatave jofitimprurëse të sipërpërmendura, dhe konfirmimit nga Ministria e Shëndetësisë dhe Mbrojtjes Sociale, e cila siguroi që disa nga kërkesat e ngritura prej tyre si: shtesa e 1000 lekëve tek ndihma e invalidëve të punës; shtimi i buxhetit për rikonstruksionin e godinave të amortizuara të shumë spitaleve publike në rrethe si dhe pajisje mjekësore; kite për HIV, kite për sifiliz, gonorea, hepatit B dhe C, materiale laboratorike për kryerjen e testeve për HIV dhe IST; janë parashikuar në buxhetin e vitit 2020, Komisioni ra dakord që t’i rekomandojë Komisionit përgjegjës për Ekonominë dhe Financat, që të vlerësojë mundësinë e shtesave të fondeve në projektbuxhet për:

Në programet e Ministrisë së Shëndetësisë dhe Mbrojtjes Sociale:

- Të parashikohet një fond në shumën 4,075,500 për depistimin e dëgjimit neonatal, për të mos hedhur poshtë punën e deritanishme, e cila deri më tani ka funksionuar në bazë projektesh ku vetëm vlera e pajisjeve të vendosura në 4 maternitete dhe QSUT shkon rreth 200.000 Euro.
- Të parashikohen fonde për rimbursimin e mjeteve ndihmëse që ju vijnë në ndihmë invalidëve, të cilat përfshijnë protezat e të gjitha llojeve, aparatet për kardiakët si dhe qeset e kolostomës.

- Të parashikohen fonde për një paketë ekzaminimesh për gratë e vajzat, qoftë edhe për një ekzaminim si PAP test, i cili mund të shpëtojë jetët e atyre, që nuk kanë mundësi financiare ta paguajnë vetë atë.

Në programet e Ministrisë së Financave dhe Ekonomisë:

- Fondet për strehimin social të mund të shkojnë për ndërtimin e banesave për familjet rome dhe për lehtësimin e procedurave të përfutimit të këtyre banesave sociale.

Kalojmë në shqyrtimin dhe në votimin e amandamenteve që do kalojnë si sugjerim pranë komisionit të Ekonomisë dhe Financave, si komision përgjegjës.

-Atwhwrw, kush wshtw pro?

-Kush voton kundwr?

-Abstënim?

Komisioni, me tw gjitha votat e të anëtarëve të komisionit, miratoi nen për nen dhe në tërësi projektligjin për buxhetin e vitit 2020.

Faleminderit!

MBYLLET MBLEDHJA